

գտեան երկնային երանաւէտ կենաց : Այլ այս մի ինչ է՝ որ վրդովէ զսիրտս մեր , որպէս յուսամք թէ և զձեր խակ նախադէտ միտող , և այն է փոփոխութիւն իրաց աշխարհիս . է երբեմն՝ զի 'ի փոփոխիլ կառավարչաց՝ փոփոխին և կառավարութիւնքն , և ըստ ամենայնի՝ 'ի հակառակ կոյս շրջին , է երբեմն , զի որ բազում հոգաբարձութեամբ ժողովեալ գանձեցաւ , շոյալութեամբ վատնին յումպէտս և յանօգուտս 'ի ձեռն անխոհեմ կառավարչաց , է երբեմն , զի յաստամբութենէ եւ 'ի վրդովմանէ երկրին , յաւարմատնին , որպէս եղեւ Տարոնոյ Ս . Ուռխտին քանի ամօք յառաջ : Ուստի երկնչիմք , թէ 'ի սպտաւհիլ այսպիսեաց , այսքան մեծաջան աշխատութեան ձեր արդիւնք և մթերք զինի ձեր գուցէ այսպիսեաց ինչ դիպեցին , և դարձեալ Ս . Տունդ հանդերձ միաբանութեամբ տառապեցի 'ի կարօտութեան և ընդ պարտեօք հեծեցէ : Այլ քանզի մեք՝ որ ամենայնիւ խորհիմք և կամիմք զօգուտն Ս . Աթոռոյդ և զանդորութիւն միաբանութեան եթէ 'ի ներկայիս եւ եթէ յապագայն , ընդ կիրակոս Եպիսկոպոսի հարազատի Ս . Աթոռոյդ յաղազս ապահովութեան գումարեալ արդեանց՝ այսպէս խորհեցաք : Զի զայն՝ զոր տեսաք 'ի հաշուէգրի , և այն՝ որ յետ այնմ յայս երկուս ամս յաւելաւ , և որ զինի այսորիկ ամ յամէ յաւելցի , զմեծ մասն այնց արդեանց , որով եղանակաւ և դիւրին իցէ՝ յայս կոյս փոխադրեցես , եւ զայն առ այն ոք հասուսջիք՝ զոր կամիք և ընտրէք յայս պէտս և եթ վերակացու , և մերով երկցս գիտութեամբ փակեալ եւ կնքեալ արկեղք զետեղեցի 'ի ներքին Քարուկիր Գանձատան Մայր եկեղեցւոյս : Եւ որ ինչ հոգ և փոյթ իցէ անկորուստ մնալոյ այնր դրամոց , կամ շահեցուցանելոյ՝ զամենայն խորհրդակցութեամբ ընդ վերակացուին առ 'ի ձէնջ կարդելոյ յանձն առու եմք կատարել յօգուտ Ս . Աթոռոյդ և յանմահ յիշատակ սրբութեան ձերում : Իբր զի կամ շահաբեր քարուկիր կալուած պատահէ ստանալ աստ կամ Իզմիւռին , կամ հին դրամ գանձեցին , գնեցին անդամանդեայ ակունք , որք միշտ յաճումն գնոյ և դրամոց բնաւորեալ են :

Ի տնտեսութիւն այսր ամենայնի հարկաւոր է աստ ոք 'ի պատուաւոր հարազատ միաբանաց Ս . Տանդ , վասն որոյ